

ԽՈՐՀՐԴԱՐԱՆ

ԼԻԱԳՈՒՄԱՐ ՆԻՍՏԸ՝ ԱՌԱՆՑ
ԸՆԴԴԻՄԱԴԻՐ ՊԱՏԳԱՄԱՎՈՐՆԵՐԻ

Նոյեմբերի 26-ին, սահմանված ընթացակարգի համաձայն, անցկացվեց Վրաստանի խորհրդարանի լիազույմար նիստը:

Խորհրդարանական ընդդիմության եւ որոշ առանձին պատգամավորների կողմից հայտարարված բոյկոտի պայմաններում, լիազույմար նիստում գրանցվեց 87 պատգամավոր, քվորումի անհրաժեշտ նվազագույնի 76-ի դեպքում: Խորհրդարանի աշխատանքին հրաժարվեցին մասնակցել «Միասնական ազգային շարժումը», «Եվրոպական Վրաստանը» եւ «Հայրենասերների ալյանսը» ներկայացնող պատգամավորները: Անկախ պատգամավորներից լիազույմար նիստին մասնակցեցին Բեքա Նազվիշվիլին, Լեւան Գո-



գիչաիշվիլին, Գեղեւան Փոփխաձեն եւ Լեւան Կոբերիձեն:
(Շարունակությունը՝ 5-րդ էջում)

ԳՈՐԾԱԴԻՐ

ԳԻՈՐԳԻ ԳԱՆԱՐԻԱ. «ՔԱՂԱՔԱԿԱՆ ԳՈՐԾԸՆԹԱՑՆԵՐԻ
ՏՐԱՄԱԲԱՆԱԿԱՆ ԱՎԱՐՏԸ ԸՆՏՐԱՏԵՂԱՄԱՍՈՒՄ Է»

Նոյեմբերի 28-ին Վրաստանի վարչապետ Գիորգի Գախարիայի նախագահությամբ անցկացվեց երկրի կառավարության հերթական նիստը:

Բացելով նիստը՝ Գիորգի Գախարիան կառավարության անդամների ուշադրությունը բեւեռեց նոյեմբերի 14-ից խորհրդա-

րանի կողմից համաձայնական հին անցնելու օրինադրագծի մերժումից հետո ծավալված իրադարձություններին եւ իշխանու-

թյան ներկայացուցիչներից պահանջեց կրկնապատկել ուշադրությունը, որպեսզի ապահովվի աշխատանքի արդյունավետությունը ընդդիմության բողոքների ֆոնին:

- Վերջին օրերի ընթացքում
(Շարունակությունը՝ 2-րդ էջում)

ԴԻՐՔՈՐՈՇՈՒՄ

ԹԵՄԱՆ ՓԱԿՎԱԾ Է. 2020 ԹՎԱԿԱՆԻ ԸՆՏՐՈՒԹՅՈՒՆՆԵՐԸ
ԿԱՆՑԿԱՑՎԵՆ ՄԵԾԱՄԱՆԱԿԱՆ ԵՎ ՀԱՄԱՄԱՆԱԿԱՆ
ԽԱՌԸ ԸՆՏՐԱԿԱՐԳՈՎ



գիծը մերժելուց հետո երկրում ստեղծված իրավիճակի եւ այդ կապակցությամբ «Վրացական երազանք» կուսակցության կողմից իրականացվելիք քայլերին առնչվող հարցը:

Նշենք, որ նախօրեին Բիժինա Իվանիշվիլին հանդիպում ունեցավ նաեւ մեծամասնական այն պատգամավորների հետ, ովքեր համաձայնական ընտրակարգին անցնելու վերաբերյալ սահ-

մանադրական փոփոխության նախագծի ընդունմանը դեմ քվեարկեցին:

(Շարունակությունը՝ 5-րդ էջում)

ՀԱՐՑԱԶԻՐՈՒՅՑ

ԲԻՉԻՆԱ ԻՎԱՆԻՇՎԻԼԻ. «ՈՒՆԵՆՔ ԾԱՌԱՑԱԾ
ՄԱՐՏԱՀՐԱՎԵՐՆԵՐԻ ԿԱՐԳԱՎՈՐՄԱՆ ԾՐԱԳԻՐ»

Նոյեմբերի 27-ին «Վրացական երազանք-ժողովրդավարական Վրաստան» կառավարող կուսակցության նախագահ Բիժինա Իվանիշվիլին «Իմեդի» հեռուստաընկերությանը տրված հարցազրույցում անդրադարձավ երկրում ծավալվող քաղաքական իրադարձություններին, իր հայեցակետն արտահայտեց դրանց վերաբերյալ:

2020 ԹՎԱԿԱՆԻՆ ՀԱՄԱՄԱՆԱԿԱՆԻՆ ԱՆՑՆԵԼՈՒ ՄԱՍԻՆ ՀԱՅՏԱՐԱՐՈՒԹՅՈՒՆԸ ԲԱՐԻ ԿԱՄՔԻ ԴՐՍԵՎՈՐՈՒՄ ԷՐ

Բիժինա Իվանիշվիլին, մեկնաբանելով նոյեմբերի 14-ին խորհրդարանի կողմից համաձայնական ընտրակարգին անցնելու օրինագծի մերժման փաստը, նշեց, որ 2020 թվականին այդ ընտրակարգին անցնելու նախաձեռնությունը պատկանում է իրեն: Ինքը նման հայտարարությամբ հան-

դես էր եկել ընթացիկ տարվա հունիսին երկրում ծավալված իրադարձություններին ի պատասխան:

- 2020 թվականի ընտրությունը համաձայնական ընտրակարգով անցկացնելու հայտարարությունը մեծ մասամբ պայմանավորված էր մեր բարի կամքով: Դա խոստումն էր: Մենք միակողմանի զիջումների դիմեցինք,- ասաց Բիժինա Իվանիշվիլին:

(Շարունակությունը՝ 4-րդ էջում)

ԵՎՐԱԿԱՌՈՒՅՑ

ՎՐԱՍՏԱՆԸ ՄՏԱՆՁՆԵՑ ԵՎՐՈՊԱՅԻ
ԽՈՐՀՐԴԻ ՆԱԽԱՐԱՐՆԵՐԻ ԽՈՐՀՐԴԻ
ՆԱԽԱԳԱՅԻ ՊԱՐՏԱԿԱՆՈՒԹՅՈՒՆԸ

2019 թվականի նոյեմբերի 27-ից մինչեւ 2020 թվականի մայիսի 15-ը ներառյալ, Վրաստանը վարելու է Եվրոպայի խորհրդի նախարարների կոմիտեի նախագահի պաշտոնը:

Վրաստանը նախագահությունը ստանձնեց Ֆրանսիայից, Ստրասբուրգում անցկացված Եվրոպայի խորհրդի նախարարների տեղակալների կոմիտեի նիստին:

Ֆրանսիայի եվրոպական գործերի պետական նախարար Ամելի Դե Մոնշալենը Վրաստանի արտաքին գործերի նախարար Դավիթ Ջալալիա-



նուն փոխանցեց խորհրդանշական բանալին:
(Շարունակությունը՝ 3-րդ էջում)

ԻՇԽԱՆՈՒԹՅՈՒՆ - ԸՆԴԴԻՄՈՒԹՅՈՒՆ

ՋԵՌՔ ԲԵՐՎԵՑ ՀԱՆԴԻՊՄԱՆ
ՊԱՅՄԱՆԱՎՈՐՎԱԾՈՒԹՅՈՒՆ

Ինչպես հայտարարեց Վրաստանի խորհրդարանի մեծամասնության անդամ Իրակլի Կոբախիձեն, պայմանավորվածություն է ձեռք բերվել դիվանագետների ներկայությամբ իշխանության եւ ընդդիմության ներկայացուցիչների հանդիպման մասին:

- Վաղը, (նոյեմբերի 30-ին) օրվա առաջին կեսին, սկսվելու է հանդիպում իշխանության եւ ընդդիմության ներկա-



(Շարունակությունը՝ 2-րդ էջում)

ՀԱՅԱՍՏԱՆ

ՆԻԿՈԼ ՓԱՇԻՆՅԱՆԸ ԲԻՇՔԵՔՈՒՄ
ՄԱՍՆԱԿՑԵՑ ՀԱՊԿԻ ԳԱԳԱԹԱԺՈՂՈՎԻՆ

ՀԱՊԿԻ ՆԱԽԱԳԱՅՈՒԹՅՈՒՆԸ ՀԱՅԱՍՏԱՆԸ ՓՈԽԱՆՁԵՑ ՈՒՄԱՍՏԱՆԻՆ

Նոյեմբերի 28-ին Ղրղզստանի մայրաքաղաք Բիշքեքում անցկացվեց ՀԱՊԿ հավաքական անվտանգության խորհրդի նիստը Ղրղզստանի նախագահ Սորոնբայ Ժենբեկովի նախագահությամբ: Նիստին մասնակցեցին Հայաստանի վարչապետ Նիկոլ Փաշինյանը, Ռուսաստանի նախագահ Վլադիմիր Պուտինը, Բելառուսի նախագահ Ալեքսանդր Լուկաշենկոն, Ղազախստանի նախագահ Կասիմ-ժոմարտ Տոկաեւը եւ Տաջիկստանի նախագահ Էմոմալի Ռահմոնը:



Հավաքական անվտանգության խորհրդի նիստում կազմակերպության անդամ երկրների ղեկավարները քննարկեցին տարածաշրջանային անվտանգության տեսանկյունից ծագած մարտահրավերները, մշակեցին դրանց կարգավորման համատեղ ուղիները:

ՀԱՊԿ-ի երկրների ղեկավարները 15 փաստաթուղթ են ստորագրել Բիշքեկի գագաթնաժողովում:

Նիստում Նիկոլ Փաշինյանը Ռուսաստանի նախագահ Վլադիմիր Պուտինին փոխանցեց ՀԱՊԿ-ի նախագահությունը:

ԳՈՐԾԱՌԻ

ԳԻՈՐԳԻ ԳԱՄԱՐԻԱ. «ՔԱՂԱՔԱԿԱՆ ԳՈՐԾԸՆԹԱՑՆԵՐԻ ՏՐԱՄԱԲԱՆԱԿԱՆ ԱՎԱՐՏԸ ԸՆՏՐԱՏԵՂԱՄԱՍՈՒՄ Է»

(Սկիզբը՝ 1-ին էջում)

ակնառու է, որ անպատասխանատու քաղաքական գործիչների բոլոր դեստրուկտիվ գործողությունների նպատակը պետության արգելափակումն է: Նրանց գործողությունները չեն նշանակում պետական ինստիտուտների արգելափակում: Դա նշանակում է ամբողջ պետության արգելափակում, ուստի ես ցանկանում եմ, որ ձեզանից յուրաքանչյուրը կրկնապատկի ուշադրությունը, կենտրոնացումը, որպեսզի ամեն օր սովորական ռեժիմով շարունակենք պետական հաստատությունների արդյունավետ աշխատանքը,- ասաց վարչապետը եւ հավելեց,- Մենք պետք է հաս-

կանանք, որ քաղաքական գործընթացները պետք է տեղի ունենան ՉԼՍ-ներում, խորհրդարանում, նաեւ փողոցում, սակայն օրենքին համապատասխան,- այս մասին հայտարարել է Վրաստանի վարչապետ Գիորգի Գախարիան, կառավարության այսօրվա նիստին:

Նրա խոսքով, քաղաքական գործընթացները, ի վերջո, իրենց տրամաբանական ավարտն են ունենում ընտրատեղամասում:
- Կառավարությունն ունի պարտա-



վորություն յուրաքանչյուրի առջեւ, չնայած բազում ապակառուցողական գործողություններին, դրանց թույլ չենք տա բյուրոկրատիայի անցնել,- հայտարարեց Գիորգի Գախարիան:

ԷԿՈՆՈՄԻԿԱ

ՆԱԹԻԱ ԹՈՒՐՆԱԿԱՆ ՆԵՐԿԱՅԱՅՐԵՅ ՄԵՓԱԿԱՆԱՇՆՈՐԶՄԱՆ 100 ՕԲՅԵԿՏՆԵՐԸ



Նոյեմբերի 28-ին Էկոնոմիկայի եւ կայուն զարգացման նախարար Նաթիա Թուրնալան ներկայացրեց սեփականաշնորհման ենթակա 100 օբյեկտները:

Ինչպես ներկայացման շնորհանդեսին նշեց Էկոնոմիկայի նախարարը, պետական գույքի ազգային գործակալությունը սկսում է պետական գույքի գործնական սեփականաշնորհման գործընթացը, որի նպատակը օտարերկրյա ներդրումների գրավումն ու գործադրության մակարդակի նվազեցումն է: Նախարարության տեղեկատվությամբ, պետական գույքի սեփականաշնորհման աճուրդներին կարող է մասնակցել ցանկացած անձ եւ ընկերություն:

Ինչպես նշեց շնորհանդեսին ներկա Վրաստանի վարչապետ Գիորգի Գախարիան, վերոնշյալ ծրագրով կիրականացվի պետական գույքի սեփականաշնորհման անմախաղեպ միջոցառում: Աճուրդները կանցկացվեն զուգահեռ եւ ոչ ուրաքանչյուր ված ընթացակարգերով:
Աճուրդներում ներկայացված գույքի նախնական արժեքը կազմում է 150 միլիոն լարի: Ըստ կազմակերպիչների, նախագծի իրականացման դեպքում, կստեղծվի 2500 նոր աշխատատեղ, իսկ ենթադրական ներդրումների ծավալը կկազմի 200 միլիոն լարի:
Նշենք, որ սեփականաշնորհման ենթակա 100 օբյեկտների թվում կան արտադրություններ եւ հատուկ նշանակման օբյեկտներ, ինչպես Թբիլիսիում, այնպես էլ՝ Վրաստանի շուրջ 45 քաղաքներում ու մունիցիպալիտետներում:

ԻՇԽԱՆՈՒԹՅՈՒՆ - ԸՆԴԴԻՄՈՒԹՅՈՒՆ

ՁԵՌՔ ԲԵՐՎԵՑ ՀԱՆԴԻՊՄԱՆ ՊԱՅՄԱՆԱՎՈՐՎԱԾՈՒԹՅՈՒՆ

(Սկիզբը՝ 1-ին էջում)

յացուցիչների միջեւ,- հայտարարեց Իրակլի Կոբախիձեն եւ հավելեց, որ դիվանագիտական կորպուսի ներկայությամբ քննարկման գլխավոր թեմաներից է լինելու ընտրությունների «գերմանական մոդելը»:
- Այս հարցը շատ ակնհայտ է, այնքան անհամապատասխանություն կա Վրաստանի սահմանադրության եւ «գերմանա-

կան մոդելի» միջեւ, որ չկա լրացուցիչ բացատրության անհրաժեշտություն,- հայտարարեց Իրակլի Կոբախիձեն:
- Մենք խորհրդատվություններ անցկացրինք դիվանագիտական կորպուսի ու դեսպանների հետ: Նրանք հանդես եկան բանակցությունների սեղանի շուրջ նստելու եւ երկխոսություն սկսելու նախաձեռնությամբ, չնայած ընդդիմության դեստրուկտիվ գործողություններին, մենք անսացինք դիվանագիտական կորպու-

սի կարծիքին,- ասել է Կոբախիձեն:
Նրա խոսքով, ճշտվելու են հանդիպման վայրն ու ձեւաչափը:
Հիշեցնենք, որ, հանդես գալով համաձայնական ընտրությունների օգտին, ընդդիմությունը որպես այլընտրանք առաջարկել է անցնել ընտրությունների «գերմանական մոդելին», որը, նրանց ասելով, չի պահանջում փոփոխություններ կատարել սահմանադրություն: Մինչդեռ իշխանությունները հակառակն են պնդում:

ԸՆԴԴԻՄՈՒԹՅՈՒՆԸ ՄՇԱԿՈՒՄ Է ՆՈՐ ԸՆՏՐԱԿԱՐԳԻ ԱՆՅՆԵԼՈՒ ՄԽԵՄԱ

Ինչպես արդեն հաղորդել ենք, նոյեմբերի 14-ին խորհրդարանի կողմից 2020 թվականի ընտրությունների համամասնական ընտրակարգով անցկացնելու օրինագիծը մերժելուց հետո, խորհրդարանական եւ ոչ խորհրդարանական կուսակցությունները, չնայած գաղափարախոսական, քաղաքական կողմնորոշման եւ, գաղտնիք չէ, անձնական հակադրության, միավորվեցին ու սկսեցին համատեղ աշխատել ընտրական նոր համակարգի մշակման շուրջը:

Նոյեմբերի 25-ին միավորված ընդդիմությունը ներկայացրեց նոր ընտրական համակարգին անցնելու սխեման: Միավորված ընդդիմության առաջնորդներից Գիորգի Վաշաձեն, ամփոփելով տարբեր քաղաքական կուսակցությունների ու շարժումների ներկայացուցիչների հերթական հանդիպման արդյունքները, հայտարարեց, որ առաջարկվող բարեփոխումը նախատեսում է անցում այսպես կոչված «գերմանական մոդելին»: Այն, ինչպես պնդում է Վաշաձեն, համապատասխանում է Վրաստանի սահմանադրությանը, բխում է հասարակության շահերից, առավելություններ ունի համամասնական համակարգի նկատմամբ, ընդսմին հաշվի է առնում Վրաստանի իրողությունները:
- Նորությունն այն է, որ ծայրերը, ընտրություններին

մասնակցող թեկնածուների միջեւ բաշխվում են համամասնորեն, բայց մեծամասնական համակարգը պահպանվում է: Ընդ որում, կլինեն բազմամանդատ մեծամասնական ընտրատարածքներ՝ 6,7 կամ 8 մանդատանոց: Յուրաքանչյուր ընտրող կունենա մեկ ծայրի իրավունք: Ուստի, ոչ մի քաղաքական ուժ չի կարողանա զավթել իշխանությունը,- հայտարարեց Գիորգի Վաշաձեն:
Նրա խոսքով, «Վրացական երազանքի» ընդդիմախոսների կողմից մշակված փաստաթուղթը հանձնվել է միջազգային կազմակերպություններին: Ընդդիմությունը պատրաստ է այն մտցնել խորհրդարան:
Նշենք, որ ընդդիմության ներկայացուցիչները հայտարարեցին, որ մտադիր չեն հրաժարվել իրենց պլաններից եւ կշարունակեն խորհրդարանի շենքի շրջափակումը:


«ԺԱՄԱՆԱԿՆ Է, ՈՐ ԿՈՂՄԵՐԸ ՔԻՉ ԽՈՍՆԵՆ ՄԻՄՅԱՆՅՈՒՄ ԵՎ ԱՎԵԼԻ ՇԱՏ՝ ԻՐԱՐ չԵՏ»

Նոյեմբերի 29-ին Վրաստանում Եվրամիության ներկայացուցչության ղեկավար Կառլ Հարցելը, խորհրդարանի եվրաինտեգրման կոմիտեի նախագահ Դավիթ Սոնդուլաշվիլու հետ հանդիպումից հետո, հայտարարեց, որ Եվրամիությունը ողջունում է իշխանության եւ ընդդիմության միջեւ համդիպում անցկացնելու որոշումը:

- Եվրամիությունը ցանկանում էր տեսնել երկխոսություն, քանի որ, կարծում ենք, ժամանակն է՝ կողմերն ավելի քիչ խոսեն միմյանց մասին եւ ավելի շատ՝ իրար հետ: Մենք հավատում

ենք, որ կա հանդիպման անհրաժեշտություն: Մենք աջակցում ենք այս ձեւաչափին: Ինչպես գիտենք, ըստ վաղվա օրակարգի, քննարկվելու է գերմանական մոդելը եւ այլ հարցեր, որոնք կապ-

ված են ընտրական համակարգի հետ: Միջազգային համադաշնությունը եւս ներգրավված է լինելու այս գործընթացին: Մենք աջակցում ենք ցուցարարների իրավունքին, կիրառում խոսքի ազատության իրավունքը, ինչպես նաեւ համարում ենք, որ կարծիք հայտնելը պետք է լինի օրինական եւ սահմանադրական շրջանակում,- հայտարարել է Կառլ Հարցելը:



ԵՎՐԱՄԻՈՒԹՅՈՒՆ
ՇԱՌԼ ՄԻՇԵԼԸ՝
ԵՎՐԱՆՈՐԴԻԿԻ ՆԱԽԱԳԱՐ

Նոյեմբերի 29-ին Եվրախորհրդի ղեկավար Դոնալդ Տուսկը, կարճատև արարողության ընթացքում, Եվրամիության հիմնական քաղաքական մարմնի ղեկավարի լիազորությունները, որտեղ ներկայացված են միության երկրների ղեկավարները, հանձնեց իր փոխարինողին՝ Բեկզիայի դաշնային կառավարության նախկին վարչապետ Շառլ Միշելին: Եվրախորհրդի նոր նախագահն իր պարտականությունների կատարմանը լիարժեք ձեռնամուխ կլինի ղեկտեմբերի 1-ից:
Խորհրդանշական արարողությունը կայացել է Բրյուսելի «Եվրոպա» շենքի շքասրահում, որտեղ տեղի են ունենում եվրոպական գագաթաժողովներն ու խոշոր միջազգային համաժողովները:

ՀԱՍՏԱՏՎԵՑ
ԵՎՐԱՋԱՋՆԱԺՈՂՈՎԻ ՆՈՐ ԿԱԶՄԸ

Նոյեմբերի 27-ին Եվրախորհրդարանի պատգամավորները Ստրասբուրգում ընթացող լիազումար նստաշրջանում հաստատեցին Եվրահանձնաժողովի նոր կազմը՝ Ուրսուլա Ֆոն դեր Լայենի ղեկավարությամբ: Առաջարկված կոմիսարների օգտին քվեարկել է 461 պատգամավոր, դեմ՝ 157-ը, ձեռնպահ է մնացել 89-ը: Քվեարկությանը մասնակցել է ընդամենը 707 խորհրդարանական: Այսպիսով, նոր Եվրահանձնաժողովը կկարողանա իր պարտականությունների կատարմանը ձեռնամուխ լինել ղեկտեմբերի 1-ին՝ ավելի վաղ նշանակված ժամկետից մեկ ամիս անց:

ԱՐԻԲԶԱՆ
ԿԱՑԿԱՑՎԵՆ ԱՐՏԱՅԵՐԹ ԽՈՐՀՐ-
ԴԱՐԱՆԱԿԱՆ ԸՆՏՐՈՒԹՅՈՒՆՆԵՐ

Նոյեմբերի 28-ին Բաքվում անցկացվեց իշխող «Նոր Ադրբեյջան» («Ենի Ազերբայջան») կուսակցության քաղաքական խորհրդի արտահերթ նիստը, որի ընթացքում ընդունվեց խորհրդարանը ցրելու եւ նոր ընտրություններ անցկացնելու մասին որոշում: Նշենք, որ իշխող կուսակցությունը խորհրդարանում ներկայումս ունի բացարձակ մեծամասնություն:
Որպես խորհրդարանը ցրելու հիմնավորում՝ նշվել է, որ գործող խորհրդարանը երկրի ղեկավարի վարած քաղաքականությանը համահունչ չի գործում եւ հետ է մնում երկրում անցկացվող բարեփոխումներից: Հատկանշական է, որ իշխող կուսակցության նիստի մասին նախօրոք հայտարարված չի եղել, այդ մասին հայտնի է դարձել միայն նոյեմբերի 28-ին:
Ադրբեյջանում խորհրդարանը ընտրվում է 5 տարի ժամկետով: Վերջին խորհրդարանական ընտրությունն անցկացվել էր 2015թ. նոյեմբերի 1-ին: Հաջորդ ընտրությունը պետք է տեղի ունենար 2020թ. նոյեմբերին:

ԱԼԲԱՆԻԱ
ԵՐԿՐԱՇԱՐԺ՝ ՄԱՐԴԱԿՅԻՆ
ՋՈՐՅԵՐՈՎ ՈՒ ԱՎԵՐՈՒՄՆԵՐՈՎ

Նոյեմբերի 25 լույս 26-ի գիշերը Ալբանիայում տեղի ունեցած 6,4 մագնիտուդով երկրաշարժի հետեւանքով, զոհվել է շուրջ 50 եւ վիրավորվել 650 մարդ:
Երկրաշարժի էպիկենտրոնը գտնվում էր մայրաքաղաք Տիրանայի մերձակա Շիջակ քաղաքից 10 կիլոմետր դեպի հյուսիս - արեւմուտք ընկած շրջանում: Օջախը 10 կմ խորության վրա էր: Տարբերքի հարվածի հետեւանքով, մի քանի շենքեր են քանդվել: Ցնցումներն զգացվել են Տիրանայում, ինչպես նաեւ Գյուսիսային Մակեդոնիայում, Սերբիայում, Չեռնոգորիայում, Խորվաթիայում եւ Իտալիայի մի քանի հարավային նահանգներում:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԵՎՐԱԿԱՌՈՒՅՑ

ՎՐԱՍՏԱՆԸ ՍՏԱՆՁՆԵՑ ԵՎՐՈՊԱՅԻ ԽՈՐՀՐԴԻ ՆԱԽԱՐԱՐՆԵՐԻ ԽՈՐՀՐԴԻ ՆԱԽԱԳԱՅԻ ՊԱՐՏԱԿԱԼՈՒԹՅՈՒՆԸ

(Սկիզբը՝ 1-ին էջում)

Նախագահությունը ստանձնելուց հետո, Վրաստանի արտաքին գործերի նախարարը խոսքով դիմեց Եվրոպայի խորհրդի նախարարների տեղակալներին եւ ներկայացրեց Վրաստանի նախագահության առաջնահերթությունները:

Ըստ Դավիթ Ջալկալիանու, Վրաստանի նախագահությունը հիմնված կլինի այնպիսի առաջնահերթությունների վրա, ինչպիսիք են մարդու իրավունքներն ու շրջակա միջավայրի պաշտպանությունը, քաղաքացիական ներգրավվածությունը որոշումներ կայացնելու գործընթացում, երեսայի վրա կողմնորոշված արդարադատություն-վերականգնողական արդարադատության եվրոպական փորձը, ժողովրդավարության ամրապնդումը կրթության, մշակույթի եւ երիտասարդության ներգրավմամբ:

Խորհրդանշական բանալու փոխանցման արարողությանը ներկա էր եւ ելույթ ունեցավ Եվրոպայի խորհրդի գլխավոր



ից Ստրասբուրգում վեց ամսվա ընթացքում, երթուղիները եւ վրացական այբուբենով զարդարված տրամվայը: Տրամվայն արդեն դուրս է եկել քաղաք:

Նշված իրադարձությունը նվիրվում է Վրաստանին Եվրախորհրդի նախագահությունը փոխանցելու փաստին:

Հատուկ տրամվայով արդեն ուղեւորվել են Վրաստանի արտաքին գործերի նախարար Դավիթ Ջալկալիանին, Ստրասբուրգի քաղաքապետը եւ Եվրոպայի խորհրդի գլխավոր քարտուղարը:

քարտուղար Մարիա Պեյչի-Նովիչ-Բուրիչը:

Նախագահության վեց ամիսների ընթացքում, Վրաստանը Եվրոպայի խորհրդի շրջանակներում կազմերպելու է 20 միջոցառում:

Նշենք, որ նոյեմբերի 27-ին Ստրասբուրգում վեց ամսվա ընթացքում, երթուղիները եւ վրացական այբուբենով զարդարված տրամվայը: Տրամվայն արդեն դուրս է եկել քաղաք:

Նշված իրադարձությունը նվիրվում է Վրաստանին Եվրախորհրդի նախագահությունը փոխանցելու փաստին:

Հատուկ տրամվայով արդեն ուղեւորվել են Վրաստանի արտաքին գործերի նախարար Դավիթ Ջալկալիանին, Ստրասբուրգի քաղաքապետը եւ Եվրոպայի խորհրդի գլխավոր քարտուղարը:

ՖԵԴԵՐԱԿԱ ՍՈԳԵՐԻՆԻ. «ՎՐԱՍՏԱՆԻ ՆԿԱՏԱՄԱՐ ԱԶԱԿՈՒԹՅՈՒՆԸ ԱՐՏԱՅՈՒՈՒՄ Է ՄԵՐ ԱՄԵՆՈՐՅԱ ԱՆԽԱՏԱՆՔԸ»

Նոյեմբերի 27-ին, Վրաստանին Եվրոպայի խորհրդի նախարարների խորհրդի նախագահության փոխանցմանը նվիրված Եվրախորհրդարանի լիազումար նիստում, արտաքին քաղաքականության եւ անվտանգության հարցերով Եվրամիության գերագույն ներկայացուցիչ Ֆեդերիկա Մոգերինին խոսելով «Արեւելյան գործընկերության» մասին, առանձնակի կանգ առավ Վրաստանի հետ համագործակցության հարցերի վրա:

- Մեր մայրցամաքում հակամարտությունները դեռ չեն վերացել: Վերջին ամիսներին իրավիճակը սրվել է Վրաստանում, Հարավային Օսիայի վարչական բաժանող գծի երկայնքով: Այդ իսկ պատճառով, մենք ավելացնում ենք մեր ներկայացուցչությունը տեղում: Վրաստանի տարածքային ամբողջականության եւ ինքնիշխանության նկատմամբ աջակցությունը ուղղակի խոսքեր չեն կամ սկզբունքների հռչակագրում, դա մեր անենթայա աշխատանքի հիմքն է:

Վրաստանը մոտ եւ հուսալի գործընկեր է հարեւանության մեջ: Այդ իսկ պատճառով, մենք չենք փակում մեր աչքերը, երբ տեսնում ենք ռիսկեր, ինչպես այսօր մենք տեսնում ենք Վրաստանում օրենքի գերակայության ոլորտում բարեփոխումների հետընթացի ռիսկեր, - ասել է Ֆեդերիկա Մոգերինին:

Ելույթ ունենալով Եվրախորհրդարանի լիազումար նիստում Մոգերինին «Արեւելյան գործընկերությունը» անվանել է Եվրամիության անենակարելու ծրագիր:

րը: Ֆեդերիկա Մոգերինին խոսքով, ծրագրի 10-ամյա պատմությունը ցույց է տալիս, որ ծրագիրը կենտրոնացված է եղել մարդկանց, այլ ոչ թե աշխարհաքաղաքականության վրա:

- Ես հպարտ եմ, որ թողնում եմ ձեզ եւ իմ փոխարինողին ամուր հիմք «Արեւելյան գործընկերության» առաջիկա զագաթաժողովի եւ վեց երկրների ապագայի համար, - ասել է Ֆեդերիկա Մոգերինին:



ՀԱՇՎԵՏԱՎՈՒԹՅՈՒՆ

ԹԲԻԼԻՍԻ 2020 ԹՎԱԿԱՆԻ ԲՅՈՒՋԵՆ ԿԱԶՄՈՒՄ Է 1,3 ՄԻԼԱՐԴ ԼԱՐԻ

2003 ԹՎԱԿԱՆԻՆ ԱՅՐՔԱՆ ԷՐ ՈՂՋ ՎՐԱՍՏԱՆԻ ՊԵՏԱԿԱՆ ԲՅՈՒՋԵՆ



Նոյեմբերի 28-ին Թբիլիսիի քաղաքապետ Կախա Կալաձեն հանրությանը ներկայացրեց իր գլխավորած քաղաքապետարանի երկու տարվա աշխատանքի արդյունքները:


- Այս երկու տարվա ընթացքում քաղաքում իրականացվել են շատ հետաքրքիր ու կենսական նշանակության նախագծեր:

- Հաջորդ տարի ծրագրված նախագծերի իրականացման համար կծախսվի 1 միլիարդ 300 միլիոն լարի: 2020 թվականի բյուջեն ավելացվել է 300 միլիոն լարիով, ինչը նրա գրավականն է, որ հաջորդ տարի 300 միլիոն լարիով ավելի նշանակալից նախագծեր կիրականացվեն, - հայտարարեց քաղաքապետը:

- Քաղաքում դեռեւս առկա են ենթակառուցային հիմնախնդիրներ, սակայն խոստանում ենք, որ հնարավոր ամեն ինչ կանենք դրանց կարգավորման համար: Հիմնախնդրային են նաեւ առողջապահության եւ սոցիալական ոլորտները: 2020թ. բյուջեի 27-28 տոկոսը կծախսվի առողջապահության եւ սոցիալական ոլորտներում նախագծերի իրականացման համար, - նշեց Կախա Կալաձեն:

Քաղաքապետն անդրադարձավ նաեւ մայրաքաղաքի հանրային տրանսպորտի նորացման, նոր երթուղիների ձեւավորման, տրանսպորտային խցանումների վերացման անհրաժեշտության եւ այլ իրատապ հարցերին:

ծեր: Ծրագրված նախագծերի իրականացման համար կարելու էր նշանակություն ունի քաղաքային բյուջեի չափը, - հայտարարեց Կախա Կալաձեն եւ թբիլիսցիների անունից իր երախտագիտությունը հայտնեց հանրագումարային հավաքին ներկա վարչապետ Գիորգի Գախարիային ցուցաբերած աջակցության համար: Նրա խոսքով, 2020 թվականի քաղաքային բյուջեն հասել է ռեկորդային բարձունքների:



ՎՐԱՍՏԱՆԻ ՀԱՄԱՐ ՀԱՅԱՍՏԱՆԸ ԱՐՏԱՀԱՆՈՂ ԵՐԿՐՆԵՐԻ ԱՌԱՋԻՆ ԵՆՅԱԿՈՒՄ Է

Վրաստանի վիճակագրական ծառայության տվյալներով, 2019 թվականի հունվար-հոկտեմբերին Վրաստանից ամենից շատ արտահանվել է Ռուսաստան: Տեղեկատվության համաձայն, խոշորագույն արտահանողների եռյակում են Ռուսաստանը՝ 409,8 մլն դոլար, Ադրբեջանը՝ 400,4 մլն դոլար, Հայաստանը՝ 310,4 մլն դոլար:

2019 թվականի հունվար-հոկտեմբերին տասը խոշորագույն երկրների բաժինը կազմել է Վրաստանի արտահանման ընդհանուր ծավալի 72,7 տոկոսը:

Դրա հետ մեկտեղ, 2019 թվականի հունվար-հոկտեմբերին տասը խոշորագույն ներմուծող երկրների բաժինը կազմել է Վրաստանի ներմուծման ընդհանուր ծավալի 65,6 տոկոսը: Առաջատարների եռյակում են՝ Թուրքիան՝ 1300,3 մլն դոլար, Ռուսաստանը՝ 774,2 մլն դոլար եւ Հինաստանը՝ 721,2 մլն դոլար:


ՀՐԱՊԱՐԱԿՎԵԼ ԵՆ ՄԱՆԿԱՎԱՐԺՆԵՐԻ ՔՆՆՈՒԹՅՈՒՆՆԵՐԻ ԱՐԴՅՈՒՆՔՆԵՐԸ

Մանկավարժների առարկայական եւ մասնագիտական իրավասությունը հաստատող թեստավորման արդյունքներն արդեն հայտնի են: Հրապարակվել են աշխարհագրության, պատմության, վրաց լեզվի եւ գրականության (VII-XII), մաթեմատիկայի (VII-XII), կերպարվեստի եւ կիրառական արվեստի, կենսաբանության, քիմիայի, ֆիզիկայի, անգլերենի, ռուսերենի, գերմաներենի եւ ֆրանսերենի քննությունների արդյունքները: Պատասխանները հնարավոր է տեսնել Գնահատման եւ քննությունների ազգային կենտրոնի www.naec.ge կայք-էջում:

ԾԱՒԱՆՈՏԻ ԳԻՆԸ ԿՐԿՆԱՊԱՏԿՎԵՑ

Նոյեմբերի 21-ից ծխախոտի գինը կրկնապատկվել է: Կառավարության սույն որոշումը հիմնավորված է ծխախոտի վրա ակցիզային հարկի ավելացմամբ: Կառավարությունը որոշումն ընդունել է բյուջեում 175 միլիոն լարիով նվազեցրած ակցիզային հարկի պատճառով, թեպետ մասնագետները գտնում են, որ պակասորդը հիմնականում պայմանավորված է մաքսանենգային ծխախոտեղենի ներկրմամբ, որի ծավալը նրանց ենթադրությամբ է՛լ ավելի կավելանա:

Այսպիսով, նոյեմբերի 21-ից փաթեթավորված ծխախոտեղենի, ինչպես նաեւ դրա հումքի ակցիզային հարկն ավելացվում է: Դա նշանակում է, որ մեկ կիլոգրամ ծխախոտը, մինչ այդ 35 լարիի փոխարեն, կարժենա 60 լարի: Իրականացված փոփոխությունը նախատեսում է նաեւ 30 տոկոսանոց հարկի ավելացում՝ առանց ֆիլտրի սիգարետների վրա:



ԵՎԱՄՈՒՏՆԵՐԻ ԾԱՌԱՅՈՒԹՅՈՒՆ

ՀԱՅՏՆԱԲԵՐՎԵԼ Է ՄԱՔԱՆԵՆՏԱԲԱՅԻՆ ԾԱՒԱՆՈՏԻ ՆԵՐԿՐՄԱՆ ՓԱՍՏ

Վրաստանի ֆինանսների նախարարության եկամուտների ծառայության հարկային մոնիթորինգի ղեկավարամենտի աշխատակիցները Սամեգրելոյի, Գուրիայի եւ Ջեմո Սվանեթիի տարածաշրջանի առանձին բնակավայրերում իրականացված ստուգիչ միջոցառումների արդյունքում, հայտնաբերել են առանց ակցիզի սիգարետներ, ընդհա-

մուր առմամբ՝ 23280 գլանակ: Վրաստանի հարկային օրենսգրքի 192-րդ հոդվածի 5-րդ մասի համաձայն, իրավախախտում թույլ տված քաղաքացիների ապրանքը բռնագրավվել է: Գործի նյութերը վարչական իրավունքի օրենսգրքի 241-րդ հոդվածի համաձայն, ուղարկվել են իրավապահ մարմիններին:

ԲԱՑԱՀԱՅՏՎԵԼ Է ՀԱՐԿԱՅԻՆ ՕՐԵՆՍԱԴՐՈՒԹՅԱՆ ԽԱԽՏՄԱՆ 410 ԴԵՊԵ

Նոյեմբերի 18-24-ը ներառյալ, Վրաստանի ֆինանսների նախարարության եկամուտների ծառայության հարկային մոնիթորինգի ղեկավարամենտի կողմից երկրի ողջ տարածքում անցկացված ստուգիչ միջոցառումների արդյունքում, բացահայտվել է հարկային օրենսդրության խախտման 410 դեպք:

Մասնավորապես, ֆինանսների նախարարության եկամուտների ծառայության հարկային մոնիթորինգի ղեկավար-

տամենտի աշխատակիցներն ստուգել են 4,367 հարկատուի: Ստուգման արդյունքում, բացահայտվել են հարկային օրենսդրության

հետեւյալ խախտումները. առանց ապրանքագրերի ապրանքների փոխադրման 83 փաստ, տնտեսական գործունեության իրականացման համար հարկատուի կողմից օրենսդրությամբ սահմանված կարգի խախտման 23 դեպք, կանխիկ գումարներով առքուվաճառքի ժամանակ՝ զանազան կարգի սարքի անտեսման 304 փաստ:

ՎՐԱՍՏԱՆԻ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԵՎԱՄՈՒՏՆԵՐԻ ԾԱՌԱՅՈՒԹՅՈՒՆ

ՀԱՐՑԱԶՐՈՒՅՑ

ԲԻԶՆԱ ԻՎԱՆԻՇՎԻԼԻ. «ՈՒՆԵՆՔ ԾԱՌԱՑԱԾ ՄԱՐՏԱԶՐԱՎԵՐՆԵՐԻ ԿԱՐԳԱՎՈՐՄԱՆ ԾՐԱԳԻՐ»

(Սկիզբը՝ 1-ին էջում)

ՄԵՆՔ ՏՈՒԺԵՑԻՆՔ, ՔԱՆԻ ՈՐ ՄԵՐ ՀԱՐՔԵՐԻՑ ԴԵՌԱՑԱՆ ՀԱՏ ԱՐԺԱՆԻ ՄԱՐԴԻԿ

Բիժինա Իվանիշվիլու հավաստմամբ, խորհրդարանի կողմից համամասնականին անցնելու օրինագծի տապալումը, նշանակալից վնաս հասցրեց կուսակցությանը:

- Ես քիմի կազմալուծման սպառնալիք տեսա: Առաջին բանը, ինչն ինձ հաջողվեց անել, մեծամասնության նիստ անցկացնելն էր քվեարկությունից առաջ... Մենք վստահություն չունեինք, բայց հուսով էինք, որ օրինագիծը կանցնի... Այդ ֆոնին մենք թույլ տվեցինք քվեարկություն, բայց մեծամասնականներն այլևս պատասխանատվություն չունեին քիմի համոզեալ: Ու տեղի ունեցավ այն, ինչ եղավ:

Մենք վնաս կրեցինք, քիմը տուժեց, եւ ոչ միայն այն պատճառով, որ չկատարեց իր հայտարարած խոստումը, այլ որովհետեւ մեզանից հեռացան բազմաթիվ արժանի անդամներ, եւ դա որոշակի կորուստ է քիմի համար: Թեեւ, եթե իրադրությունը գնահատենք ամբողջությամբ, ապա ողբերգական ոչինչ տեղի չի ունեցել,- հայտարարեց Բիժինա Իվանիշվիլին:

ԽՈՍՏՈՒՄԸ ԶԿԱՏԱՐԵԼՈՒ ՀԱՄԱՐ ՊԱՏԱՍԽԱՆԵԼՈՒ ԵՆՔ ՀԱՆՐՈՒԹՅԱՆԸ, ԴՐԱ ՀԱՄԱՐ ԳՈՅՈՒԹՅՈՒՆ ՈՒՆԵՆ ԸՆՏՐՈՒԹՅՈՒՆՆԵՐԸ

«Իմեղի» հեռուստաընկերությանը տված հարցազրույցում, խոսելով խորհրդարանի կողմից մերժված օրինադրությանը եւ այդ կապակցությամբ անցկացվող փողոցային ցույցերի մասին, Բիժինա Իվանիշվիլին նշեց, որ ընտրողը կարող է մեզանից պահանջել, բայց սրանք, որ այսօր փողոց են դուրս եկել ո՞վքեր են եւ պահանջում են, ի՞նչ իրավունքով են սրանք մեզանից որեւէ բան պահանջում եւ առավել եւս՝ անցում համամասնական ընտրակարգին:

Նրա խոսքով, «Ազգային շարժմանը» եւ այդ կուսակցության դաշնակից ոչ կառավարականներին, որոնք, երբ իրենք էին իշխանություն, հրաժարվեցին համամասնական ընտրական համակարգից, «Վրացական երազանքը» որեւէ ասելիք չունի:

7 ՏԱՐՎԱ ԸՆԹԱՑՔՈՒՄ ԶԻ ԵՂԵԼ ՈՐԵՎԷ ԼՈՒՐԶ ԽՈՍՏՈՒՄ, ՈՐԸ ԶԵՆՔ ԿԱՏԱՐԵԼ

- Չեմ հիշում՝ 7-ամյա պատմության ընթացքում որեւէ լուրջ խոստում, չի եղել դեպք, որ մենք չկատարեինք: Ես ընդհանրապես խուսափում եմ խոստումներ տալուց, բազմիցս չափում-ծելում եմ եւ նոր ասում այն, ինչ կարող եմ կատարել,- «Իմեղի» հեռուստաընկերության հետ հարցազրույցին հայտարարեց Բիժինա Իվանիշվիլին եւ հավելեց, որ ինքը բարձր է գնահատում խոստումները եւ ցավում է, երբ չի կարողանում այն իրականացնել:

- Միշտ զգուշությամբ եմ խոստումներ տալիս եւ ողջ կյանքս այդպես եմ անցկացրել: Մեզ միշտ մեղադրում են, թե իբր ինչ-որ բան չենք արել, սակայն 7-ամյա պատմության ընթացքում չեմ հիշում մի որեւէ սկզբունքային դեպք, երբ «Վրացական երազանքը» չի կատարել իր խոստումը,- ընդգծեց Բիժինա Իվանիշվիլին ու հավելեց, որ շատ է ցավում, քանի որ «Վրացական երազանքը» այս անգամ թերացավ իր խոստումը կատարելու գործում:

ԹԻՄԻ ԱՆԴԱՄՆԵՐԻՆ ՀԱՄՈՋՈՒՄ ԷԻ, ՈՐ ՈՒՆԵՆՔ ՌԵՍՈՒՐՍ ԵՎ ԱՌԱՆՑ ԴՎԱՐՈՒԹՅԱՆ ԿԱՐՈՂ ԵՆՔ ՍՏԱՆԱԼ 50-60 ՏՈՎԱՍԻ ԱՋԱԿՑՈՒԹՅՈՒՆԸ

Ինչպես հեռուստահարցազրույցին հայտարարեց «Վրացական երազանքի» նախագահը, 2020 թվականի

ընտրություններին կուսակցությունը 50 տոկոսից ավելի ձայներ կարող է ստանալ: Բիժինա Իվանիշվիլու հայտարարությամբ, իրեն հաջողվեց քիմի անդամներին համոզել, որ համամասնական ընտրակարգով առանց որեւէ դժվարության կարող են ստանալ 50-60 տոկոսի աջակցությունը:

- Համոզված էի, որ կարող էինք մեծամասնություն ստանալ, կառավարություն ձեւակերպել: Հասկանալի է, որ բոլորի մոտ հարց ծագեց՝ ո՞ւմ հետ կռաքիցի կազմել: Սրա՞նց հետ կռաքիցի կազմել: Դա կարելու հարց է: Մենք ունենք ռեսուրս եւ բոլոր քաղաքագետներին ու մեր ընտրողներին ցույց կտայինք 2020 թվականի ընտրություններին, որ համամասնական ցուցակով մենք կարող ենք հասնել շատ ավելիին, քան 50 տոկոսն է: Սակայն, ցավոք, տեղի ունեցավ այն, ինչի վկան դարձանք,- հայտարարեց Բիժինա Իվանիշվիլին:

«ԱԶԳԱՅԻՆ ՀԱՐԺԱՆ ԿՈՂՄԻՑ ԻՇԽԱՆՈՒԹՅԱՆ ԿԵՐԱՂԱՐՁՄԱՆ ՀԱՎԱՆԱԿԱՆՈՒԹՅՈՒՆԸ ԶՐՈՅԱՎԱՆ Է»



«Իմեղի» հեռուստաընկերությանը տրված հարցազրույցում, հիշելով 2012 թվականի իշխանափոխությունը, Բիժինա Իվանիշվիլին հայտարարեց, որ «Հավաքարի» նախագահական նստավայրում, Սաակաշվիլու հետ հանդիպմանը, ինքը նրան խորհուրդ է տվել մարդկանցից ներողություն խնդրել եւ պաշտոնաթող լինել:

- Եթե դու ելույթ ունենաս, ժողովրդից ներողություն խնդրես, ասես՝ անկեղծ ուզում էի զարգացնել երկիրը, ինչ ստացվեց՝ ստացվեց, որ նոր իշխանությանը չեմ խանգարի, այսօրեւեք կհրաժարվեմ, այս հայտարարությունից հետո կմնաս քաղաքականության մեջ եւ անձեռնմխելիություն կունենաս:

Նա սա հասկանալու ունակություն չունեցավ: Նրա շրջապատում չկա գեթ մի մարդ, ով վերլուծելու կարողություն ունենար եւ կարողանար ասել, որ ազգային շարժման կողմից իշխանության վերադարձման հավանականությունը զրոյական է,- հայտարարեց Բիժինա Իվանիշվիլին:

ԶԵՄ ԲԱՑԱՌՈՒՄ, ՈՐ ԲԱՑ ՆԱՄԱԿՈՎ ԿԴԻՄԵՆ ԱՄՆ ԿՈՆԳՐԵՍՆԻ, ՄԵՆԱՏԻՆ ՈՒ ՆԱԽԱԳԱՀԻՆ

«Իմեղի» հեռուստաընկերությանը տված հարցազրույցին «Վրացական երազանքի» նախագահը հայտարարեց, որ ամերիկյան փողերով գործող որոշ կառավարական կազմակերպությունները հակամերիկյան գործունեություն են ծավալել, եւ «Վրացական երազանքը» իր ներկայացուցիչն ունի այդ կազմակերպությունների ներկայացուցչություններում:

- Մենք մշակել ենք ծրագրեր, որ Վաշինգտոնին բացատրենք ու ցույց տանք, թե ինչ է տեղի ունենում այստեղ եւ, եթե դա չստացվի, ապա բացառված չէ, որ բացմանակով դիմեք Կոնգրեսին կամ Սենատին, ԱՄՆ-ի նախագահի աշխատակազմին, որ հրապարակայնորեն պարզաբանեն, թե ինչպես է տեղի ունենում այն, որ ամերիկյան փողերով ֆինանսավորվող կազմակերպությունները գործում են Ամերիկայի պետական շահերի դեմ: Դրանով, բնականաբար, վնասվում են Ամերիկա-Վրաստան հարաբերությունները,- նշեց Բիժինա Իվանիշվիլին:

Շարունակելով վրաց-ամերիկյան հարաբերությունների թեման Բիժինա Իվանիշվիլին իր հարցազրույցում նշեց, որ այսօր երկիրը մեծապես կախված է իր ռազմավարական գործընկերոջից, որը եւ ապահովում է Վրաստանի անվտանգությունը, երկրի զարգացումը, աջակցություն ցուցաբերում բոլոր ուղղություններով: Եվ ցավալի է, որ ռազմավարական նման գործընկերոջ կողմից ձեւավորված կազմակերպությունները նման գործունեություն են ծավալում, որը կարող է վերաճել համընդհանուր անվտանգության:

ԵՐԿՐԻ ԱՌՋԵՎ ԾԱՌԱՑԱԾ ՄԱՐՏԱԶՐԱՎԵՐՆԵՐԸ ՀԱՏ ԵՆ, ԵՎ ՄԵՆՔ ՈՒՆԵՆՔ ԴՐԱՆՑ ԿԱՐԳԱՎՈՐՄԱՆ ՀԱՏԱՎ ԾՐԱԳԻՐ

Նոյեմբերի 27-ին «Իմեղի» հեռուստաընկերությանը տրված հարցազրույցում «Վրացական երազանք» կուսակցության նախագահ Բիժինա Իվանիշվիլին անդրադարձավ երկրի առջեւ ծառացած կենսական նշանակության խնդիրներին եւ խոսեց դրանց կարգավորմանն ուղղված ծրագրերի մասին:

- Երկրի առջեւ ծառացած ամենամեծ մարտահրավերը գործազրկությունն է: Բնականաբար, դա այնպիսի հարց է, որը 1-2 տարում չես լուծի, դրա համար անհրաժեշտ է ժամանակ, հստակ մշակված տնտեսական քաղաքականություն եւ այդ քաղաքականությունն իրականացնելու հնարավորություն: Տնտեսապես շատ ավելի զարգացած երկրներում էլ այդ հիմնախնդիրն առաջնահերթային է, իսկ մեր թույլ տնտեսական իրողության պայմաններում հիմնախնդիրը ծայրաստիճան սրվում է, ինչն էլ ընդդիմախոսների կողմից շահարկվում է: Բնականաբար, մենք իշխանության գալու օրվանից մտահոգվել ենք գործազրկության մակարդակի իջեցման հարցով, եւ պետք է ասել, որ որոշակի առաջընթաց կա: Խոսքը վերաբերում է ոչ միայն երկրի տարածքում բացվող աշխատատեղերին: Դա դրական երեւույթ է, թեպետ միայն երկրում աշխատատեղերի բացմամբ այդ հարցը լուծել հնարավոր չէ: Ինքնեղ դատեք, ներկա դրությամբ, Վրաստանից դուրս գտնվում է 1,5-2 միլիոն աշխատունակ քաղաքացի, որոնք հիմնականում ամօրինական կերպով աշխատում են եւ հնարավորինս օգնում Վրաստանում ապրող հարազատներին: Սկսած 2014 թվականից «Վրացական երազանքը» բանակցություններ է վարում եվրոպական տարբեր երկրների հետ, որպեսզի դրանք Վրաստանի քաղաքացիներին օրինականորեն աշխատելու եւ գումարներ վաստակելու հնարավորություն ընձեռեն: Առանձին երկրների հետ նման պայմանավորվածությունն արդեն ձեռք է բերվել: Մեր քաղաքացիները, օրինակ՝ Լեհաստանում, Գերմանիայում, Նիդերլանդներում կարող են օրինականորեն աշխատել: Դրանով մենք լուծում ենք մի քանի հարց, մասնավորապես մարդկանց օգնում ունենալ բարձր վարձատրվող օրինական աշխատանք, չխզել կապը հայրենիքի եւ հայրենիքում ապրող ընտանիքի հետ,- նշեց Բիժինա Իվանիշվիլին:

ԱՐՁԱԳԱՆՔՈՒՄ ԵՆ ՀԵՌՈՒՄՏԱՀԱՐՑԱԶՐՈՒՅՑԻՆ

«ԺԱՄԱՆԱԿԻՆ ԻՐԵՆՔ ԷԻՆ ՀՐԱԺԱՐՎՈՒՄ, ԻՍԿ ՀԻՄԱ ԴՐԱ ՀԱՄԱՐ ՈՒՐԻՇՆԵՐԻՆ ԵՆ ՄԵՂԱԴՐՈՒՄ»

Ըստ իս, լավ կլինեք, եթե Բիժինա Իվանիշվիլին այդ ամենի մասին խոսեր ավելի շուտ, մինչեւ իրավիճակի սրումը: Բոլոր ցավոտ հարցերի շուրջ պատասխանները ավելի քան սպառնալիք էին: Առանձնակի հստակություն մտցվեց «Ազգային շարժման» գործունեության շարժառիթների պարզաբանման ժամանակ: Իրականում հարց է ծագում՝ «նացիոնալիստները» ինչո՞ւ ժամանակին ոչ միայն չէին բարձրացնում, այլեւ ամեն կերպ խուսափում էին ընտրական համակարգի փոփոխման հարցի բարձրացումից: Իսկ հիմա, տեսան, որ հաջորդ ընտրություններին խորհրդարանում հայտնվելու շան չունեն, միակ ելքը համարում են զրոյական ընտրաշեմը:

Սա արդեն ծրագրելի է:

Նշանակալի է, որ Բիժինա Իվանիշվիլին շատ հիմնավոր խոսեց ծառացած հիմնախնդիրների, մասնավորապես՝ գործազրկության մասին: Նրա առաջադրած ծրագիրը, կարծում եմ՝ իրատեսական է, եւ գործազրկության հարցը, եթե ոչ լրիվությամբ, կարելի է լուծել, ապա մասնակի կարգավորել: Միայն այն, որ մեր քաղաքացիները արտասահմանում կկարողանան օրենքով աշխատել, առանց վախճնալու այնտեղ գտնվել, արդեն մեծ գործ է, եւ դա մեծ նշանակություն ունի:

**ՀԱԿՈՐ ՀԱՆՍԱԽՉՅԱՆ
ԲԺԻՇԼԻ**

Ախալքալաքի

«ԹՈՂՆԵՆՔ՝ ԹՈՂ ՀԱՆԳԻՍՏ ԱՇԽԱՏԵՆ...»

Քաղաքական հարցերը փողոցում լուծելը, ցավոք, մեզանում արդեն ավանդույթ է դարձել: Գուցե բավական է: Հենց այդ մասին էր Բիժինա Իվանիշվիլու հարցազրույցը: Մարդը բոլոր հարցերին պատասխանեց, բացատրեց, թե ինչն ինչպես է եղել: Ել ի՞նչ եք ուզում: Համամասնական ընտրակա՞րդ... «Երազանքի» ցանկությունն էլ դա է, միայն այդ ամենը պահանջվում է իրականացնել օրենքի շրջանակներում:

Բիժինա Իվանիշվիլին, ըստ երեւույթին, բավականին քաջատեղյակ է երկրի բնակիչներին հուզող հիմնախնդիրներից: Միայն դրանով կարելի է բացատրել նրա խոսքերը՝ ուղղված բնակչության այն հատվածին, որ «հեռուստա-

տեսությունով ելույթ չի ունենում, փողոցներում ցույցերին չի մասնակցում»: Հենց նրա համար էին իշխող կուսակցության նախագահի խոսքերը, թե ինչ ծրագրեր ու նախագծեր են մշակվել այդ մարդկանց իրավիճակի բարելավման, կենսամակարդակի բարձրացման համար: Մինչեւ ընտրությունները մնացել է մեկ տարի, թողնենք՝ թող հանգիստ աշխատեն, եւ եթե այդ ժամանակահատվածում փոփոխություններ չլինեն, ինչպես նշեց Բիժինա Իվանիշվիլին, ընտրություններին «Երազանքին» կասենք «ոչ»:

ԱՇՈՏ ԾԱՌՈՒԿՅԱՆ

Նինոծմինդայի մունիցիպալիտետ, գյուղ Սաթխա